

# التقليد الكنسي عن كاتب إنجيل متى تحت الاختبار | الأب متى المسكين

محمد شاهين التابع

بسم الله الرحمن الرحيم السلام عليكم ورحمة الله وبركاته. معكم محمد شاهين الكعب من قناة الدعوة الاسلامية على اليوتيوب وفيديو جديد من سلسلة اعتراف خطير. ما زلنا ننتكلم في موضوع كتبة - 00:00:00

انا جيل اربعة. من هم كتبة الاناجيل الاربعة من خلال التقليد الكنسي؟ وهل نستطيع تطبيق المعلومات التي بنعرفها من خلال التقليد؟ على انجيل ما بين ايدينا دلوقتي النهاردة هنتكلم تحديدا عن انجيل متى الذي ما بين ايدينا دلوقتي. وهنفتح مع بعض تفسير لعالم قبطي ارثوذكس - 00:00:15

مشهور جدا ومعلوم جدا جدا القمص متى المسكين. وهنشوف محاولات الاب متى المسكين اليائسة في ايه انه ينتصر للتقليد فيما يخص انجيل متى الذي ما بين ايدينا دلوقت. لكن قبل ما ندخل في اي تفاصيل يا ريت تعمل لايك للفيديو لان ده بيساهم في انتشار محتوى القناة - 00:00:35

وما تنساش الاشتراك في القناة وتفعيل الجرس علشان تقدر تتابع كل جديد. هنقرا النهاردة من هذا التفسير المشهور جدا للاب متى المسكين الانجيل بحسب القديس متى دراسة وتفسير وشرح. طبع الدار القديس انبا مقار. ودي معلومات الطبعة التي احنا بنقرا منها. هنفتح التفسير في بدايته خالص - 00:00:55

التقليدي القديم الخاص بكتابة انجيل القديس متى رقم واحد الاصاله الرسولية لانجيل القديس متى واللغة التي كتب بها. قبل ما نبدأ قراية وتعليق حاب اقول نقطة في غاية الاهمية في - 00:01:15

فيما يخص الاب متى المسكين؟ في بعض الناس في الكنيسة القبطية الارثوذكسية بيحاولوا يسيئوا لسمعة الاب متى المسكين؟ لان تفاسيره فيها بعض المعلومات التي الكنيسة بترفضها بشكل تقليدي. لكنها نتاج الدراسات النقدية التاريخية الحديثة. لكن من خلال اطلاع - 00:01:29

على تفاسير الاب متى المسكين؟ الاب متى المسكين لا يقبل من هذه الدراسات النقدية التاريخية الا المعلومات التي هو اتقن من صحتها وقطعا ولا شك الاب متى المسكين اب غيور جدا على الديانة المسيحية ومحب جدا للديانة المسيحية - 00:01:49

ومحب جدا للتراث الكنسي وللتراث الابائي. ومدافع مستميت عن صحة التقليد الكنسي تاني مش معنى ان الاب متى المسكين قبل بعض النتائج الخاصة بابحاث ودراسات النقد التاريخي ان هو بيقبل كل النتائج بالعكس - 00:02:09

زي ما هنشوف النهاردة احيانا الاب متى المسكين بيقبل بعض الخزعات والخرافات الدفاعية. وبيحاول ينتصر بها للتقليد ولو كان لي اني اعذر الاب متى المسكين؟ هيكون عذري الوحيد له ان هي دي الدراسات التي كانت موجودة على ايامه. في بعض - 00:02:29

الدراسات النقدية التاريخية نتايجها كانت ضد الايمان المسيحي التقليدي. هذه الاباحات النقدية التاريخية في بعض المسيحيين المؤمنين ايدوها وفي بعض المسيحيين المدافعين المستميتين حاولوا ينتقدوها ويرفضوها. في بعض الاحيان - 00:02:49

الاب متى المسكين كان بيحاول يدور على اي شخص ينتقد هذه الاباحات والدراسات النقدية التاريخية ويبطلها وهو هو بيعتمد عليها ويباخذ صفها. الى درجة ان احيانا كلامه يكون واضح جدا التناقض - 00:03:09

وبيبتدي يقع في مشاكل جسيمة جدا لا حل لها. بتثبت في النهاية بما لا يدع مجالاً للشك ان فعلا الموضوع فيه مشكلة. فهنا في تفسير

الاب متى المسكين لانجيل متى يبدافع بشدة باستماتة عن - [00:03:27](#)

الرسولية لانجيل القديس متى لكن بسبب ان الموضوع بالفعل فيه مشاكل فنبجد من خلال كلام الاب متى المسكين انه احيانا يحاول يسد مشكلة هنا تظهر له مشكلة ثانية هنا. نبدأ قراءة مع بعض. بيقول لقد بدأ القديس متى بكتابة انجيله ليس - [00:03:46](#)

بشكله الحاضر باللغة اليونانية ولكن باللغة التي كان يسمعهها من المسيح اي باللغة الارامية والعبرانية. وهذه الحقيقة تقدم لها كل الشواهد بالتأكيد. يعني هو عايز يقول كل الشواهد بتأكد هذه الحقيقة. ايه الحقيقة دي معلش - [00:04:06](#)

احنا عندنا انجيل متى اللي ما بين ايدينا دلوقتي. كويس قوي. هو بيقول القديس متى تلميذ المسيح شاهد العيان اللي شاف المسيح وسمعه. ماشي. بدأ بكتابة انجيل. ليس بشكله الحاضر. شكل - [00:04:26](#)

قادر اللي ما بين ايدينا دلوقتي ايه؟ كتاب باللغة اليونانية. اللي انا ماسكه ترجمة عربية ترجمة الفانديك لانجيل متى الترجمة العربية دي متاخدة من ايه او معمولة عن ايه؟ عن نص باللغة اليونانية. كويس - [00:04:44](#)

مش هو ده بقى النص اللي متى بدأ بكتابتته؟ او مال انه نص؟ نص باللغة التي كان يسمعهها من المسيح اي باللغة الارامية والعبرانية. فيبقى هو بيأكد على حقيقة بالنسبة له. ان متى تلميذ المسيح اللي سمع من المسيح - [00:05:00](#)

طب انجيله باللغة العبرانية والارامية. ايه بقى الشواهد اللي بتأكد الكلام ده؟ هيجيب لك بقى ايه؟ اجماع التقليد الكنسي. انما حتى كتب انجيله بالعبرية لليهود. فبيجيب مين؟ اغلب الشواهد دي احنا زكرناها او على الاقل اقدمها واهمها - [00:05:20](#)

القيصري في كتابه تاريخ الكنيسة بينقل عن بابياس. ان متى كاتب كل الاحاديث احاديث زي ما احنا بنقول احاديث النبي صلى الله عليه وسلم. متى كاتب كل الاحاديث باللغة العبرية. وجايب لك هنا النص اليوناني - [00:05:40](#)

عنه اخذ كل واحد وشرح بقدر ما استطاع. خلي بالك هو هيرجع بعد شوية ويعلق على كلمة الاحاديث. وده اقدم شاهد على الاطلاق في الموضوع. ان متى كتب اقوال الرب بالعبرية؟ هو مدرك تماما. النقطة دي مهمة. ان الانجيل - [00:06:00](#)

بين ايدينا دلوقتي ليس انجيل اقوال وانما انجيل قصص. ده اولاً وهو مدرك تماماً ان الانجيل ما بين ايدينا دلوقتي انت باليوناني مش بالعبري كويس اوي. دول نقطتين هيحاول يعالجهم في وسط كلامه. هنا الاب متى المسكين بيأكد هذه - [00:06:20](#)

معلومة ينقلها بابيوس عن الرسل انفسهم. ويقص القديس اريناوس قائلاً ان متى ايضاً كتب انجيلاً بين العبرانيين بلغته كويس وكلام اريناوس ده عرضناه في كتابه ضد الهرطقات. وهنا في شهادة جديدة يوسابوس القيصري بينقل عن بانتيانوس. بانتيانوس -

[00:06:40](#)

اسكندري. فانتيانوس الاسكندري ده بيقول ايه؟ يقال عن بانتيانوس انه ذهب الى الهند سنة مية خمسة وتسعين ميلادية. فوجد هناك انجيل القديس متى بين مسيحي تلك الديار الذين كان قد خدمهم بارسل ماوس احد الرسل وترك بينهم انجيل القديس متى باللغة

العبرانية الذي كان معهم حتى ذلك الوقت - [00:07:02](#)

ايه ده! الاقتباس ده موجود فين؟ في كتاب تاريخ الكنيسة ليسابوس القيصري. الشهادة دي مهمة جداً. لان دي برضو شهادة من القرن الثاني افادها ايه؟ انجيل متى العبري كان موجود ما بين ايدين المسيحيين في الهند في اواخر القرن الثاني الميلادي - [00:07:26](#)

المعلومة دي اكتبها على جنب. انجيل متى العبري كان موجود لغاية نهايات القرن الثاني. ماشي. ويؤيد هذا الخبر القديس جيرو من القرن الخامس علماً بان بانتيانوس كان علامة ويتقن العبرية ويستطيع ان يميز الانجيل الذي - [00:07:46](#)

رآه يعني عاوز يقول لك ان شهادة بانتيانوس دي اللي نقلها يوسابوس القيصري في كتابه تاريخ الكنيسة شهادة لها وزنها. الراجل ده مش عبيط بحيث انه اي انجيل يتحط قصاده ما يعرفش يميزه. لاً. هو ميز ان الانجيل ده هو انجيل - [00:08:06](#)

ما الت العبري. النقطة دي مهمة جداً. ومعروف ان كل الكرازة في بلاد العالم كانت تتركز في البداية بين اليهود. وكان من الامور هامة جداً ان يكون بين ايديهم انجيل بلغتهم. من هنا جاءت اهمية انجيل القديس متى باللغة العبرية. فهنا هو بيتكلم عن اهمية -

[00:08:26](#)

وجود انجيل بالعبري لكراسات اليهود. رغم ان انا اري ان الاهمية الحقيقية لهذا الانجيل انه بيحافظ على كلام المسيح باللغة التي كان

متى يسمعها من المسيح. يعني المفروض الانجيل ده بنقدر ناخذ منه اقوال المسيح - [00:08:46](#)

زي ما قالها فعلا. والله العظيم الكلام ده خطير. قال لك اليك ايضا شهادة من اورجانوس كما سجلها يوسابيوس في كتابه تاريخ الكنيسة ان متى القديس كان عشارا وبعد ذلك رسولا ليسوع المسيح كتب انجيل بالعبرية وسلمه للمؤمنين اليهود - [00:09:06](#) يعني المسيحيين المؤمنين من اصل يهودي. واورجانوس بيقول هذا هو التقليد الذي استلمه. ان المؤمنين اليهود يعني تحيين المؤمنين من اصل يهودي. كان معهم انجيل كتبوا متى باللغة العبرية. كويس - [00:09:26](#)

وايه كمان ؟ قال لك خلي بالك اوريجانس هو كمان لا يستهان بعلمه وتقاريره فكلها يأخذها جميع العلماء اخذ ثقة واحترام ويقرر لان القديس متى اذ كان قد كرز سابقا لليهود بالعبرية سلمهم الانجيل بلغتهم. كويس اوي. القديس كيرولوس الاورشليم - [00:09:43](#) هو كمان في القرن الخامس بيقول القديس متى كتب انجيله بالعبرية. القديس ابيفانيوس احد برزه اباء القرن والخامس متى هو الوحيد الذي سجل الانجيل وكرز به بين العبرانيين بالحروف العبرية. والقديس ابيفاندا - [00:10:06](#) والنقطة دي مهمة بخصوص انجيل متى العبري اول نقطة بتاعة بانتينوس. ثاني نقطة بتاعة جيروم. ثالث نقطة بتاعة ابيفانيوس بيحكى عن قصة رجل يهودي متنصر كيف اكتشف انجيل القديس متى بالعبرية داخل خزانة مغلقة. ويرجع مرة ثانية لشهادة -

[00:10:26](#)

الجروم هو قال جروم ايد بانتينوس. وبعدين جروم له شهادة ثانية. جيروم في مقدمة شرحه لانجيل قديس متى قال ان متى في كتب انجيله باللغة العبرية اساسا من اجل منفعة اليهود وبعدين في كتابه مشاهير الرجال جيروم بيقول - [00:10:46](#) انه وجد نسخة من انجيل القديس متى بالعبرية؟ في بيرية بسوريا وقام بنسخه حرفيا ويكرر هذا الخبر عدة مرات في كتاباته الاخرى. النقطة دي مهمة جدا. يبقى لغاية القرن الخامس - [00:11:06](#)

القديس جيرون كان عنده نسخة من انجيل متى العبري. والله العظيم الكلام ده خطير. كذلك لنا شهادة ريغوريوس النيزيانزي وذهب الفم وغازتينوس وبقيّة الاباء. بيشهدوا يعني ان متى كتب انجيله بالعبرية. عايزك تركز قوي في الكلام اللي فات - [00:11:25](#) واهم ثلاث نقط في الكلام اللي فات ايه؟ بانتينوس في اواخر القرن الثاني لقي المؤمنين في الهند معهم انجيل متى العبري؟ جيرون بياكد الكلام ده وابيفانيوس بيحكى عن قصة اليهودي اللي لقي انجيل متى العبري في خزانة مغلقة. وبعدين جيروم - [00:11:44](#) اتسخ انجيل متى العبري بنفسه. اربع نقاط هامة. احنا كل ده بنتكلم عن انجيل متى العبري. الانجيل اللي ما بين ايدينا دلوقتي مش عبري. يوناني كويس كل هذه الشهادات مضافا اليها التقليد الراسخ المسلم للاباء. انما توفر يقين - [00:12:04](#) ضد كل محاولات النقد الجزافي في الكتب الحديثة. فالمتيقن في الكنيسة منذ البدء ان القديس متى كتب انجيله اولاً بالعبرية. برافو. ده ايه؟ يقين في الكنيسة منذ البدء حتى كتب انجيله اولاً بالعبرية. كويس - [00:12:26](#)

دلوقتي بقى بنسأل سؤال هام جدا وجوهري. فين انجيل متى العبري؟ متى المسكين بيحاول فيقول ولكن الاسباب التي حاقت بالنسخ الاولى لهذا الانجيل المكتوب باللغة العبرية. فافقدته رصانته نيته ثم وجوده في حيازة خراطة كثيرين لانجيل القديس متى بالعبرية المحرفة. هو هنا كاتب هامش - [00:12:50](#)

وقد ترجم هذا الانجيل. انجيل متى العبري بعد ان حذف منه الهراطقة ما يخص لاهوت المسيح. فسمي جيل المنحول وسمي اتباعه بالنصارى في بلاد العرب. القصة دي هو جايها منين؟ مش مهم. انا مصدقك - [00:13:20](#)

حلو كده؟ هو بيقول ان الانجيل المكتوب باللغة العبرية الاسباب اللي افقدته رسمته وقانونيته ثم وجوده حيازة خراطة كثيرين لانجيل قديس متى بالعبرية المحرفة. هراطقها استخدموا انجيل متى العبري. بعد ما حرفوه - [00:13:38](#)

كويس. خل بالك القصة دي تحتاج الى دليل. بعد اذنك لو سمحت. فين دليل القصة دي ان فيها راتقة استخدموا انجيل متى العبري المحرف؟ يعني ايه الكلام ده؟ ايوة معلش ما احنا عندنا شهادات الاباء - [00:13:58](#)

اللي اتكلموا عن تحريف الهراطقة للكتب المقدسة. فعلى سبيل المثال القديس اريناوس اسقف ليون في كتابه ضد الهرطقات تكلم عن ان ماركيون واتباعه حرفوا انجيل لوكا وحرفوا رسايل بولس. هو كان المفروض يجيب الشهادات دي لو موجودة. فين - [00:14:18](#)

التاريخية على ان هراطقة استخدموا انجيل متى العبري وحرفوه. ده اولاً عشان بس اصدق ان السيناريو ده موجود تانيا وده الاله فرض جدلي. الهراطقة استخدموا انجيل متى العبري المحرف. هل ده تبرير لفقّه - [00:14:38](#)

اقدام رصانته وقانونيته ثم وجوده طب معلى انا لسة قايل حالا ان الهراطقة استخدموا انجيل له محرف اسقف ليون قال كده في كتابه ضد الهرطقات. هل ده تبرير ان انجيل لوقا اللي ما بين ايدينا ده يفقد - [00:14:58](#)

ما هو لا مؤاخزة معلى لو كان المتكلم مجنون فالمستمع عاقل. الهراطقة استخدموا نسخة محرفة. انا ما لي انا عندي نسخة مش محرفة. اقسام بالله الاشكال ده هو ما يعرفش يحله. هو عارف ان ده اشكال. لذلك هو لا يتطرف - [00:15:18](#)

كتب الفقرة دي وخلص الكلام على كده. لا يوجد تبرير عقلاي ومنطقي لضياح انجيل متى العبري. ليه؟ ليه ان هو نفسه بيقول انجيل متى العبري كان ما بين ايدين المؤمنين في الهند في اواخر القرن الثاني. وده اكد عليه الجيروم والقديس ايبفنيوس بيقول - [00:15:38](#)

قصة اليهودي المتنصر اللي لقي نسخة منه في خزانة. والاهم من ده كله. القديس جيرون بجلالة قدره. كان عنده خام الانجيل متى العبري؟ كيف للكنيسة الا تحافظ عليه؟ مع الاخذ في الاعتبار نقطة هامة جدا الاب متى - [00:15:58](#)

كان هياكد عليه دلوقت. ايه هو؟ ان النسخ اللي الاباء اطلعوا عليها لانجيل متى العبري ما كانتش نسخ محرفة هو بيقول كده. هو بيقول النسخة اللي جي روم نسخها هو ما قالش ان في ما بينها وما بين النسخة اليونانية اختلافات - [00:16:18](#)

وهو بيستدل بده ان الحمد لله قبل ما الانجيل العبري يفقد تم ترجمته. رغم انه بيقول كلام ده هنتعرض له بعد شوية. هو عنده مشاكل. اهم مشكلة كيف فقدت الكنيسة انجيل متى العبري. رغم - [00:16:38](#)

انه كان موجود ما بين ايدين المؤمنين من القرن الثاني للقرن الخامس. وجود انجيل متى العبري ما بين ايدين جيرون في القرن الخامس معناه ان خلاص زمن الاضطهاد اتشال. وزمن الهراطقة اللي بيضايقوا المؤمنين راح - [00:16:58](#)

وبقينا عايشين في تبات ونبات تحت حماية الامبراطور اللي اعترف بالمسيحية كديانة رسمية للدولة. فلو انا عندي نسخة من انجيل متى العبري انا قادر اني اعمل عشرين ثلاثين اربعين خمسين نسخة منه. ووزعه على الامصار - [00:17:18](#)

صحية كلها. لا يوجد تبرير عقلاي ومنطقي لضياح انجيل متى العبري مع شهادات الاباء اللي قالوا ان غاية القرن الخامس كان موجود. يبقى راح فين؟ النقطة دي هدم المسيحية. هم اضاعوا بحسب ادعائهم - [00:17:38](#)

جيم دون كلام المسيح كما سمعه التلميذ. مين يسوع المسيح نفسه؟ بنفس لغته. انت متخيل جيل زي كده. مدى عظمتة وقدره مش هطول اكر من كده في النقطة دي. لكن النقطة دي قاتلة. شف هنا بيقول لك ايه - [00:17:58](#)

حجة خيابة كما يقال عذر اقبح من ذنب. يعني الذنب انت بتعتذر له بعذر. هذا العذر اقبح من الذنب نفسه. مما جعل الكنيسة تبتعد عنه. الكنيسة كان معها الانجيل اللي مش محرف. لما لقت الهراطقة استخدموا - [00:18:18](#)

نسخة منه محرف قالوا ايه الانجيل ده؟ مش هنستعمله يكفي. ايه ده؟ ده كلام معقول! طيب مما جعل الكنيسة تبتعد عنه بامارة ايه؟ شهادة بانتيانوس القرن الثاني المؤمنين كان معهم. القديس جيرون كان معه نسخة منه وعمل منه نسخة. الهراطقة ياما - [00:18:38](#)

تخدموا الانا انجيل القانونية. ده امر معروف لاي باحث ودارس. اقرا كتاب اريناوس اسقف اليوم ضد الهرطقات بيرد على استشهادات الهراطقة من الكتاب المقدس سواء بقى من انجيل لوقا او من انجيل يوحنا. عشان الهراطقة استخدموا الانجيل ده الكنيسة تبتعد عنه تبتعد عن انجيل - [00:18:58](#)

كتبوا شاهد عيان واحد من رسل وتلاميذ المسيح. سمع كلام المسيح بودنه ودونه بنفس لغته ده هراء اقل ما يقال. بس هو ما يقدرش يقول غير كده. لان احنا امام حقيقة انجيل متى العبري مفقود. فلازم اطلع بعذر - [00:19:20](#)

لازم اطلع بتبرير. ليه الكنيسة لم تحافظ على انجيل متى العبري؟ رغم انه كان موجود معها لغاية القرن الخامس يعني انا احافظ على الانجيل لغاية القرن الخامس وبعد كده يفقد ويضيع ازاى؟ يبقى اول مشكلة ضياح انجيل متى العبري؟ ثاني مشكلة بقى ايه علاقة الانجيل اليوناني - [00:19:40](#)

اللي ما بين ايدينا دلوقتى بانجيل متى العبري. حلو قال لك ايه؟ وبالمقابل فان وجود النسخة اليونانية من قديم الزمان خلي بالك حسب الكلام اللي هو نقله كلام اباء كنيسة ان انجيل متى اليوناني كان موجود وانجيل متى العبري كان موجود. وده معنى كلام بانينوس ومعنى كلام - [00:20:06](#)

ام فيروم ان هم قادرين يميزوا. ده انجيل متى العبري. ده غير انجيل متى اللي احنا بنستخدمه اليوناني. جيرو ما عمل منه نسخة. هو عاوز يقول لك ايه. وجود النسخة اليونانية من قديم الزمان. واعتماد الكنيسة عليها. معلى انا اسف. الكنيسة اعتمدت - [00:20:31](#)

على انجيل باليوناني فينذر الانجيل العبري جعل في الظاهر ان انجيل القديس متى باللغة اليونانية هو الاصل ماشي مش مهم في انجيل متى يوناني وفي انجيل متى عدل. الظاهر ان العبرة هو الاصل ده مش حقيقي. متى كتب اولاً - [00:20:51](#) ماشي. هو لسة ما عالجش حته ايه؟ انه كتب انجيل اقوال لسة ما عالجهاش الانجيل ده ضاع علاجه سخييف جدا. خل بالك بقى هو هنا متى المسكين بيقول ايه؟ متى كتب اولاً بالعبرية؟ وبعدين في انجيل - [00:21:11](#)

ترجم للغة اليونانية وانجيل متى العبري ده ضاع. فهنا بيقول محاولة كثير من العلماء لجعل انجيل قديس متى العبري هو انجيل العبرانيين المنحون ده افتراء محض هو عاوز يخليهم اللاتين حاجة واحدة. هو بيقول لك لا انجيل متى العبري ده غير انجيل العبرانيين. يشهد بذلك القديس جيرون. الذي يثبت - [00:21:27](#)

اذ انه يعرف كلا الانجيلين والفارق الكبير بينهم. انجيل العبرانيين ده انجيل مزيف الكنيسة ما قبلتوش. اما انجيل متى العبري ده حاجة تانية. انجيل قانوني. كتبوا متى الرسول. والكنيسة قبلته. شف بقى هنا - [00:21:54](#)

لما جه متى المسكين يتكلم عن موضوع هل انجيل متى اليوناني اللي ما بين ايدينا مترجم عن العبرية ولا مكتوب اصلاً باللغة اليونانية. احدث الدراسات في المسألة ان الانجيل ده ليس انجيلاً مترجماً. وده عزري لمتى المسكين. انت يا عم - [00:22:11](#) قعدت تدور عن الدراسات اللي موجودة على ايامك لقيت دراسة لواحد مسكت فيها انه بيرد على الشبهات بالنسبة لك. براحتك. انت حر. والمسألة دي هبقى نتبحر فيها بعدين ايه الدالة تحديداً اللي خلت العلماء حالياً يقولوا ان انجيل متى اليوناني اللي ما بين ايدينا دلوقتى - [00:22:31](#)

ليس مترجماً عن العبرية وانما هو مكتوب اصلاً باليونانية. ماشي. هو هنا متى المسكين بيقول ايه؟ يا جماعة الترجمة التي حدثت لانجيل القديس متى؟ من اللغة العبرية الى اللغة اليونانية. جاء فيها ما يوحي انها غير - [00:22:54](#) ترجمة من العبرية. الكلام ده معناه ايه؟ هو مدرك للدراسات اللي بتقول ان انجيل متى اليوناني اللي ما بين ايدينا دلوقتى ليس مترجماً اصلاً عن العبرية لكن متى المسكين مدرك تماماً قد ايه القول ده خطير وببهدم الديانة المسيحية. لان هو عايز يثبت ايه؟ الاصل - [00:23:14](#)

اصل الرسول لهذا الانجيل متى كتب بالعبرية؟ الانجيل اللي ما بين ايدينا دلوقتى باليوناني. ايه اللي يخلي الانجيل ده رسولي؟ وليه بنقول عليه انجيل متى هو اجابته عشان الانجيل اليوناني ده مترجمة عن الانجيل العبري اللي ضاع. طب يا عم متى المسكين في علماء - [00:23:34](#)

بيقولوا ان في ادلة داخلية من هذا الانجيل من ناحية النقد الادبي بتدل ان الانجيل ده غير مترجم من العبرية. لا لا لا ده مجرد يعني شئ ظاهري. فانا سارجي الكلام في تفاصيل الموضوع ده بعدين. نستعرض مع بعض الدالة فيما بعد في فيديو مختص - [00:23:57](#) ايه العلماء دلوقتى بيقولوا ان الانجيل ده ليس مترجماً عن العبرية. مش مجرد استخدامه للترجمة السبعينية اليونانية. لان هو نفسه بيقول هناك ايضاً عدة استشهادات من العهد القديم في الانجيل اليوناني مأخوذة من التوراة العبرية. يعني ترجم التوراة العبرية - [00:24:19](#)

اليوناني واقتبسه هنا. يبقى الموضوع اكبر من كده. العلماء دول مش مختومين على قفاهم علشان مجرد استخدام كاتب الانجيل للترجمة السبعينية هي الدليل انه غير مترجم من العبرية. لكن خلي ده دلوقت. فهو هنا بيقول ايه؟ ومن الثابت علمياً - [00:24:39](#)

علميا دي لأ خليها على جنب. مش مش سابت علماني ولا حاجة. وتقليديا ان النسخة اليونانية لانجيل القديس متى التي بين ايدينا اليوم هي نسخة مترجمة من الاصل عدوي. معلش انا اسف. والله العزيم يعني اعتبروها قلة زوق وقلة ادب مني. ان انا بتجرأ اني اسأل - [00:24:59](#)

الى الوحشة دي سيبك من ناحية الثابت علميا. لو سمحت هات لي من التقليد ما انت شاطر في انك تجيب من التقليد. هو مش ده كلام يوسابيوس واقتبسته وده كلام اريناوس واقتبسته. وده كلام يوسابيوس عن بانتينوس واقتبسته. وده كلام اورجانوس نقله يوسافيوس واقتباسه. وكيرولوس الاورشليم - [00:25:19](#)

واقتبست وابيفانيوس واقتبست وجيروم واقتبسته. ما احنا شاطرين اهو اننا نرجع للتقليد ونقتبس منه. فين في التقليد ان انجيل متى اليوناني ده مترجم عن انجيل متى العبري؟ فين ده في التقليد؟ سيبك يا عم من النقطة دي - [00:25:41](#)  
هو هنا بيدعي بيقول من الثابت علميا وتقليديا ان النسخة اليونانية لانجيل القديس متى التي بين ايدينا اليوم هي نسخة مترجمة من الاصل عبر ماشي قال لك يؤكد هذا جميع الشواهد القديمة التي عثرنا عليها في شهادات الاباء القدامى. اي شهادة منهم ما فيش - [00:26:01](#)

ها مش هجيب لك حاجة طب ماشي خلاص انا مش هشك في كلامي. بتقول ايه بقى؟ على ان النسخة اليونانية خلي بالك من الكلام عشان بعد حبة قد كده هنكتشف - [00:26:18](#)

ان الكلام ده كذب. على ان النسخة اليونانية هي ترجمة طبق الاصل من العبري. بحسب دراسات العلماء. معلش انا اسف. والله اسف اسف في ان انا بسأل الاسئلة الوحشة دي. العلماء دول ممكن يعرفوا الكلام ده منين. يعني انا ازاى اقدر اعرف ان الانجيل ده اللي مكتوب باليوناني - [00:26:30](#)

ترجمة طبق الاصل عن انجيل ثاني مكتوب بالعبري. هحاول افكر كده يا رب اهدني الاجابة الصحيحة. فيه يمكن طريقتين الطريقة اولانية ان يبقى عندي الانجيل العبري واقارنه بالانجيل اليوناني فاعرف ان الانجيل اليوناني طبق الاصل عن الانجيل العبري. برافو - [00:26:50](#)

ايه ده! ما شاء الله عليك ده انت جهبز علامة. طب ايه بقى الطريقة الثانية؟ الطريقة الثانية ان يبقى فيه شهادات تاريخية على الموضوع. وبعدين بقى الشهادات دي يا اما نصدقها - [00:27:10](#)

يا اما نكذبها. لكن اقوى طريقة هي الطريقة الاولى. لكن الطريقة الاولى لم تعد ممكنة. عشان هم ما شاء الله عليهم ضيعوا انجيل متل العبري خلاص. طيب ماشي. بس خلي بالك هو بيدعي ان النسخة اليونانية هي ترجمة طبق الاصل من العبري. ماشي - [00:27:24](#)  
يعني ما فيش فرق ما بينهم يعني؟ ما فيش فرق ما بين الانجيل اليوناني والانجيل العبري اللي كتبه متى حسب كلام بابيصوص ان ده انجيل اقوال وان ده انجيل قصصي. يا راجل عيب ده طبق الاصل. طبق الاصل. كلمة طبق الاصل دي معناه ايه؟ ايضا - [00:27:44](#)  
ده ما يفرقش عن ده حاجة. برافو. قال لك الذي يسبت ذلك باليقين ان الكنيسة بدأت تستخدم النسخة اليونانية نفس زمن كده من النسخة العبرية. طب معلش برضو السؤال رخم ثاني. هل تقدر تجيب لي مثال على استخدام الكنيسة لانجيل متى العبري -

[00:28:04](#)

ايه الاسئلة دي اللي بتفتح في دماغنا ابواب ما اتفتحتش قبل كده؟ ابوة معلش. انا دلوقتي لما اجيب اقتباس موجود في كتاب من كتابات الاباء لانجيل متى هعرف منين ان ده استخدام الانجيل العبري وده استخدام الانجيل اليوناني هعرف منين - [00:28:24](#)  
انت بتدعي ان الاثنين طبق الاصل. الانجيل اليوناني طبق الاصل من العبري. فيبقى عمري ما هعرف هل هو استخدم الانجيل العبري ولا استخدم الانجيل يوناني؟ والمفاجأة بقى ان الاباء الوائل يا اما كتبوا باليوناني يا اما كتبوا باللاتيني - [00:28:44](#)

مش من المعقول انه ييجي يقتبس من متى العبري. لو فيه حاجة زي كده كان يجيب دليل من التقليد ان ده استخدام لانجيل متى العبري؟ هو هنا بيقول لك لو كان هناك اي اختلاف لك انت رفضته الكنيسة. عارف انت الراجل اللي شبه اينشتاين لما بيقول لك برافو عليك - [00:29:04](#)

ايه ده يا عم! يعني ايه! ما هو لسة بيكمل كلامه اهو. بيقول وتهمنا جدا شهادة القديس جيرون في ذلك. وكاتبه لك بالبنط القط اسود التخين لانه كان يمتلك نسخة بالعبرية. نسخها بيده من النسخة التي وجدها في سوريا. وكان - [00:29:24](#)

امتلك في نفس الوقت النسخة اليونانية ولم يشر اطلاقا الى اي اختلاف بينهما. وقد اشار القديس جيرون في شرح الانجيل القديس متى الى ان النسخة اليونانية هي ترجمة حرفية من النسخة العبرية. برافو. ليه بقى النسخة العبرية دي اللي كانت ما بين ايدينا -

[00:29:44](#)

الاباء واللي الكنيسة استخدمتها اللي النص اليوناني بتاعه طبق الاصل منه لضاع ما انتم معكم نسخة منه مش محرقة لغاية القرن الخامس ازاي يضيع؟ انت متخيل لو كان معنا نسخة من انجيل متى العبري؟ بتراجع مسلا لايام بانتينوس ده اللي في القرن الثاني او

حتى جيرو من القرن - [00:30:04](#)

خامس وبعدين يقول لك بص اهو هنقارن الانجيل العبري بالانجيل اليوناني طبق الاصل من بعض وليخسا اعداء المسيح. ما فيش الكلام ده ده مش موجود. هو لغاية دلوقتي عايز يقول الانجيل اليوناني اللي ما بين ايدينا دلوقتي ترجمة طبق الاصل. طبق الاصل

عن الانجيل العبري - [00:30:29](#)

طب ممكن بقى تحل مشكلة ان انجيل متى العبري حسب بابيصوص انجيل اقوال. لكن الانجيل اليوناني اللي ما بين ايدينا دلوقتي انجيل قصصي مش مجرد احاديث. يا ترى هيحل المشكلة ازاي؟ لان المفروض حسب وصف بابيصوص لو الانجيل اليوناني - [00:30:49](#)

طبق الاصل من العبري. والعبري ده انجيل احاديث اقوال كان يبقى الانجيل اليوناني هو كمان انجيل احاديث او اقوال لكن ده مش حاصل. يبقى ايه الحل؟ هو معتمد على العالم ماير ده فقال لك بقى امكن - [00:31:08](#)

ان للعالم ماير ان ينتهي في بحثه بان انجيل القديس متى بحسب بابيصوص قوى عملية جمع وتنسيق لاقوال المسيح ذلك باللسان العبري. برافو عليك ده الانجيل العبري جمع وتنسيق لاقوال المسيح. طب هل الوصف ده ينطبق على انجيل متى اليونان -

[00:31:28](#)

قطعا ولا شك لأ. طب هو بقى هيعمل ايه هنا؟ لما يكتشف ان وصف انجيل متى العبري لا ينطبق على الانجيل اليوناني اللي ما بايدينا. قال لك ايه بقى؟ غير ان ذلك لا يمنع ان يكون القديس متى قد اعطى مقدمات للاقوال؟ تكون ذات - [00:31:51](#)

مفهوم تاريخي. معلش انا اسف. ايه الترقيع ده؟ حتى ولو ان متى لما جه يكتب اقوال الرب بالعبرية كتب لها او مقدمات هل ده

وصف ينطبق على الانجيل اليوناني اللي ما بين ايدينا؟ برضو لأ وهو عارف كده كويس - [00:32:11](#)

شف هنا بقى بيقول ايه غير انه بترجمته الى اللغة اليونانية. معلش بترجمته دي في سؤال ثاني بقى جديد مين اللي ترجم القديس متى نفسه؟ هنشوف اجابة السؤال ده بعدين. واحدة واحدة. غير انه بترجمتي الى اللغة اليونانية. ايه بقى - [00:32:31](#)

ايه اللي حصل؟ يصح ان يكون العنصر التاريخي فيه قد ازداد وضوحا. عدم اللامؤاخزة يعني ايه قد ازداد وضوحا اه ما احنا حلوين اوي في الكلام. احنا مش هنقول لك ان في اضافات زيادة في الانجيل اليوناني عن العبري - [00:32:51](#)

لا خالص. ده النص العبري لما جينا نترجمه لليوناني سبحان الله! ازداد وضوحا. يا عم انت هو انت مش لسة قايل فوق ان النسخة

اليونانية هي ترجمة طبق الاصل من العبري؟ هي طبق الاصل بس مش قوي يعني. لان احنا عارفين - [00:33:11](#)

ان وصف الانجيل العبري لا ينطبق على الانجيل اليوناني اللي ما بين ايدينا. هذا الفرق جه مين؟ وهو بيتترجم العنصر التاريخي ازداد وضوحا. والله العزيز ده كلام ناس عارفين ان هم على باطل وان عندهم مشكلة. يعني ايه العنصر التاريخي ازداد وضوحا -

[00:33:31](#)

الاحاديث الاقوال سبحان الله طلع لها سياقات قصصية كاملة. لما جه يترجمها من العبر اليوناني. وهي دي الترجمة بل لطبق الاصل

قال لك وبذلك قبلته الكنيسة حائزا على قانونيته باعتباره التأليف الاصلي للقديس واصل ده مترجم على العبري - [00:33:51](#)

رغم ان وصف ده لا ينطبق على الانجيل العبري. او وصف الانجيل العبري لا ينطبق على الانجيل اليوناني بس مش مهم. قال لك ذلك بحسب وجهة كل من اريناوس واريجانوس ويوسابوس وبيفانيوس وجيرون والآخرين. وجهة نزرهم في ايه بالزبط؟ الجملة دي

هلوس والجانوس ويوسايبوس وابيفانيوس وجيرونم يقولوا ان الانجيل اليوناني ده ترجمة عن الانجيل العبري لكن ازداد وضوحا من الناحية التاريخية يعني والقصصية. هو عارف كويس قوي ان فيه مشكلة. يبقى اول مشكلة بالنسبة لنا انجيل متى العبري ليه -

00:34:29

ضيع اصلا. ثاني مشكلة بالنسبة لنا. ازاى الانجيل ده ترجمة عن الانجيل العبري رغم ان صفة الانجيل العبري لا طبق على الانجيل اليوناني كلام واضح وسهل اهو. شف هنا بيقول لك ايه. اخر شاهد لوجود الانجيل العبري الاصلي هو القديس جيرون. كما وجده في -

00:34:49

في مكتبة بانفيلوس في قيصرية. ايوه راحت فين ؟ وليه يندثر ؟ رغم انه بحسب شهادة جيرونم ده زيه زي اليوناني اللي ما بين ايدينا. في مشكلة كبيرة في الموضوع. في مشكلة كبيرة جدا في الموضوع. الكلام مش منطقي. الكلام مش عقلاني. الكلام مش راکب

على بعضه. طيب - 00:35:11

نيجي بقى لسؤال هو مين اللي ترجم ؟ قال لك اما مترجم انجيل القديس متى من العبري الى اليوناني ؟ فحسب الفحص العلم الدقيق لواقع الانجيل باللغة اليونانية يتضح ان المترجم هو شخص واحد بمفرده. يعني هو عاوز يقول لك ان كاتب هذا الانجيل شخص

واحد. دي الحقيقة - 00:35:31

حسب الفحص العلمي الدقيق الانجيل ده لم يكتبه الا شخص واحد. ماشي. من هو هذا الواحد ؟ اما من هو هذا الشخص الذي قام بهذه الترجمة فيقرر الجروم انه ليس لديه تحقيق مقنع لان الراء كثيرة للغاية. ما نعرفش. ما نعرفش - 00:35:51

مين اللي ترجم او بمعنى اصح ما نعرفش مين اللي كتب هذا الانجيل اليوناني. ده اعتراف خطير ده اعتراف خطير. احنا ما نعرفش مين اللي كتب لنا النص اليوناني ده. اللي انتم بتدعوا انه ترجمة عن العبري - 00:36:13

ما نعرفش مين اللي كتبه. وهذه هي الحقيقة. خل بالك متى المسكين بيوافق ان الانجيل ده يبقى اسمه انجيل متى ليه كان هو بيؤمن وفق الدراسات اللي وقف وراها او قراها او ايا كان ان الانجيل اليوناني ده ترجمة عن الانجيل العبري اللي - 00:36:33

كتبوا متى فعلا لكن الانجيل ده ضاع. واخر ذكر له على ايام جروم. مين بقى اللي ترجم بمعنى مين اللي كتب هذا النص اليوناني ما نعرفش. فمن قائل انه القديس مت نفسه. لانه كان يعرف اللسان اليوناني. ومن قائل بل تلاميذه - 00:36:53

او احد الرسل او ربما القديس يوحنا الرسول او تحت عناية عدة رسل. فهي تخمينات لا يؤيدها برهان ما نعرفش مين اللي كتب الانجيل اليوناني. قعد ينقل بعض الاقوال مش مهم. هو بيقر هي تخمينات - 00:37:13

لا يؤيدها برهان. لان انت لو قلت له الناس اللي انت جايب كلامهم ان متى نفسه هو اللي كتب الانجيل ده ؟ ايه الدليل ما فيش دليل. يوحنا الرسول ايه الدليل ما فيش دليل ؟ احد الرسل هو مين ؟ الدليل ما فيش دليل. عدة رسل. فين الدليل ؟ ما فيش دليل -

00:37:33

هي تخمينات لا يؤيدها برهان. يبقى في النهاية. اي قراءة مدققة فاحصة نقد للكلام اللي ذكره متى المسكين في مقدمة شرحه لانجيل متى اللي بيحاول يثبت فيه الاصاله الرسولية للانجيل ده اللي ما بين ايدينا دلوقتي هيلقي ان فيه مشاكل كتير - 00:37:53

اول مشكلة ليه الكنيسة فقدت انجيل متى العبري ؟ ما فيش مبرر حقيقي عقلاني ومنطقي. خصوصا انه كان موجود لغاية القرن الخامس امس ايام جيرون في مكتبة مسيحية والامبراطورية مسيحية وما فيش اضطهاد والدنيا زي الفل. ثاني مشكلة هي العلاقة ما

بين الانجيل - 00:38:17

اليوناني اللي ما بين ايدينا وانجيل ما انت العبري خصوصا ان صفة الانجيل العبري لا ينطبق على الانجيل اليوناني. انت بتقول انه جامع طبق الاصل لكن ده اصلا غير ده. ومش هتقدر تثبت انه ترجمة طبق الاصل اصلا. تالت حاجة - 00:38:37

مين اللي ترجم او بالاحرى مين اللي كتب هذا الانجيل اليوناني ؟ وده الاهم في النهاية. لان الانجيل العبري فقد المسكين نفسه بيشهد ان احنا ما نعرفش مين. والراء كثيرة وهي تخمينات لا يؤيدها برهان. انا هاكتفي بهذا القدر - 00:38:57

في هذا الفيديو لكن بأكد ان الفيديو ده مهم جدا جدا وخطير جدا جدا. لان احنا بنتعامل امام كلام احد العلماء الكبار من الكنيسة القبطية الارثوذكسية وهو محب جدا للاباء ولتقليد الاباء ويريد نصرتهم - [00:39:17](#)

لكن من خلال كلامه مشاكل كثيرة جدا بتظهر. لو حاز هذا الفيديو على اعجابك ما تنساش تعمل لايك للفيديو لان ده بيساهم في انتشار محتوى وما تنساش مشاركة الفيديو مع اصحابك. وما تنساش الاشتراك في القناة وتفعيل الجرس علشان تقدر تتابع كل جديد. ولو تقدر تدعم وترعى محتوى القناة لو انت شايف - [00:39:37](#)

هذا المحتوى يستحق الدعم والرعاية تقوم بزيارة صفحتنا على بتريان او بيبال او حتى قم بالانتساب للقناة ستجد اللينكات كلها تحت في وصف الفيديو. الى ان نلتقي في فيديو اخر قريبا جدا باذن الله عز وجل لا تنسوني من صالح دعائكم. والسلام عليكم ورحمة الله وبركاته - [00:39:57](#)

- [00:40:17](#)